

Nedostatak saradnje sa Sudom u Hagu, po drugi put, glavna prepreka članstvu u Partnerstvu za mir

“Kominike NATO-a naglašava nastavak nesaradnje vlasti Republike Srpske sa Haškim tribunalom. Kominike ističe potrebu da se unaprijede strukture za provodjenje zakona i daje potporu ranije objavljenoj ocjeni glavne tužiteljice Haškog tribunala Carle del Ponte, da u strukturama za provodjenje zakona i bezbjednosti u RS postoje fundamentalne sistemske slabosti,” rekao je danas visoki predstavnik, komentirajući procjenu NATO-vih ministara o spremnosti BiH za prijem u Partnerstvo za mir.

“Premda je BiH načinila napredak u reformi odbrane, nedostatak saradnje znači da BiH, drugi put zaredom nije uspjela ostvariti napredak u svojim naporima da se pridruži NATO programu Partnerstvo za mir,” rekao je visoki predstavnik i dodao: “Još jedanput, neuspjeh BiH da u potpunosti saradjuje sa Haškim tribunalom predstavlja glavnu prepreku ovoj zemlji da postane stabilna, mirna i prosperitetna evropska demokratija. ”

Informacije nedavno objavljene u domaćoj i stranoj štampi da Vojska Republike Srpske nastavlja da štiti Ratka Mladića, potkrepljuju procjene NATO-a i glavne tužiteljice Haškog tribunala. Ova otkrića indiciraju da je još prije samo 6 mjeseci, General Mladić bio skrivan u vojnom objektu u Han-Pijesku. Ovo se nije moglo desiti bez sistemskog učešća visoko rangiranih pripadnika Vojske RS. Upravo oni instrumenti koji su trebali hapsiti ratne zločince, te iste ratne zločince štite.

“U ovom trenutku, ja pomno razmatram implikacije NATO-ove procjene. Takodjer razmatram mјere koje ћe se baviti sistemskim nedostacima koji su naglašeni i od strane NATO-a i od strane glavne tužiteljice Haškog Tribunala – za to ћe mi biti potrebno vremena,” rekao je visoki predstavnik danas.

Visoki predstavnik je rekao da ћe svoju odluku objaviti nakon što predsjedavajući Komisije za reformu policije objavi svoj izvještaj, dakle 16. decembra. “Kada budem razmatrao koje mјere ћe biti adekvatne, namjeravam uzeti u obzir rezultat rada Komisije za reformu policije koja završava rad 15. decembra.”